

Dialic e confront. A son chestis lis 2 peraulis di ordin di **Alessandro Di Pauli** e **Anna Gubiani**, animis di Matearium, il progjet che al presente la Scuele furlane di scritture teatrâl, ven a stâi un laborator di inovazion par cjatâ e fâ cressi gnûfs autôrs pal teatri.


“No nus plasin peraulis tant che ‘di bessôi’ e ‘cumbinìn’, parcè che il teatri e la scritture dai tescj teatrâi a son prin di dut colaborazion, ‘mateâ’ insiemit” al spieghe Alessandro Di Pauli “parcè che il test teatrâl al è alc di no finît che al cîr simpri ce che i mancje: un regist, i atôrs e duncje al è fundamentâl confrontâsi, simpri”.

DIALIC PAR CRESSI

Cun cheste ricercje di ‘dialic par cressi’ e je nassude la scuele furlane di scritture teatrâl che e scomençarà a Udin cuntune lezion di introduzion ai 26 di Mai, aes 8 e mieze sore sere, alì dal Teatri S. Zorç di Udin, gratis e vierte par ducj. Il rest dal cors invezit al larà indevant dai 9 di Jugn ai 28 di Lui.

E za la colaborazion cul teatri San Zorç e je une dai tancj aspjets di chest dialic cul teritori che al è ae fonde dal progjet: cun cheste a son ancje Ciss, Atf, Fita, Uilt, Teatro Club, Librarie W. Meister di S. Denêl. Lis lezioni dal cors pratic a son impostadis su la formule autôr - opare, ven a stâi che a ogni lezion al sarà presentât un scritôt furlan e un so lavôr, che al deventarà moment di analisi, ma ancje di spont par un aprofondiment che l’arlêf al varà di puartâ indevant intun secont moment.

Tra chescj nol podeve mancjâ **Franco Marchetta** e il so Hidalgo, une sorte di omaç al autôr mancjât di pôc e che al veve butade la semence di chest progjet



Alessandro Di Pauli e Anna Gubiani a proponin cun ‘Matearium’, une scuele di scritture par fâ cressi gnûfs autôrs. » DI CHRISTIAN ROMANINI

Il teatri al scrîf par furlan

proponint mès indaûr propit la idee di un laborator furlan di scritture pal teatri. Chês altris lezioni a presentaran **Pier Paolo Pasolini**, (I turcs tal Friûl), **Gianni Gregoricchio** (La cjase sul cjanton), **Paolo Sartori** (Amlêt), **Paolo Patui** (La lungje cene di Nadâl), **Carlo Tolazzi** (Resurrequie), Teatro Incerto (Four) e **Chiarcos-Pecile** (Prime ch’a rivin cuatri).

Il progjet al à la poie convinte de Agenzie regionâl pe lenghe furlane che lu à finanziât dividint la maniere di lavorâ

inovative pe lenghe furlane tal teatri. “Ce che nus interesse” al comente **Lorenzo Fabbro**, president de Arlef “al è mostrâ la elasticitât linguistiche dal furlan, la sô fresceje e la sô fuarce tant che mieç par contâ il nestri vuê. La bielece di une lenghe vive ancje tal ambit teatrâl”.

Par iscrizioni al cors pratic di scritture teatrâl: info@matearium.it e par informazions su Matearium: www.matearium.it.

✉ ilfriuli@ilfriuli.it

■ SOCIETÂT FILOLOGJICHE

A Cjarlins la Fraie de Vierte dal 2015

La Setemane de culture furlane de Societât filologjiche si siere cu la Fraie de Vierte, che chest an si fasarà a Cjarlins. Spietant la Fraie, vinars ai 15 di Mai aes 20.45 inte sale parochiâl al sarà il concerti ‘Canti d’acqua’ de corâl “Ancelle di Erato” di Travès direzude dal mestri **Alessandro Maurutto**, cun leturis di **Rosanna Paroni Bertoja** e coments di **Aldo Colonnello**.

Domenie messe par furlan aes 9.30 e, aes 10.45, apontament in sale parochiâl. Dopo de relazion dal sindic **Diego Navarria** su Cjarlins, Sarvâs e Maranut, un teritori di confin, a vignaran premiâts i students vincidôrs dai concors di traduzion par furlan e a saran consegnâts i atestâts ai partecipants dai cors pratics. Tal dopomisdì, visitis ae glesie parochiâl di S. Tomâs Apuestul e ae Val di pescje Nalon. A sere, finâl de setemane cul concerti in onôr di Pre **Albin Perosa** tai cent agns de nassite, aes 21 inte glesie di Madone di Strade a San Denêl sot de direzion dal mestri **Gilberto Della Negra**.

SCOLTADIS DI DRIUS

Puar biât

Une fantate mi à domandât se mi soi mai fat un ‘Selfie’. Jâi dit di no. Mi à cjalât come ch’o fos un puar biât.





SMS: 393 00 90700
diretta@radiofantasy.it
 TEL. +39 0431 30022

la radio tra la gente

UDINE VENETO ORIENTALE	FM 90.700	GORIZIA	FM 89.100	PAULARO	FM 107.700
PORDENONE	FM 95.800	TRIESTE	FM 89.100	TOLMEZZO	FM 101.600

www.radiofantasy.it